

ՄԵԶԵԿ
ՄԵԿԸ
ՄՏՈՒՄԷ

KAREN M. McMANUS

ONE
OF US
IS LYING

ՔԱՌԵՆ ՄԱԿՄԱՆՈՒՄ

ՄԵԶՆԻՑ

ՄԵԿԸ

ԱՏՈՒՄԷ

ՎԵՍ

Թարգմանությունն անգլերենից՝
Աստղիկ Աթաբեկյանի



ԵՐԵՎԱՆ
2023

ՀՏԴ 821.111(73)-31 Մակմանուս
ԳՄԴ 84(7ԱՄՆ)-44
Մ 180

Մակմանուս Քարեն
Մ 180 Մեզնից մեկը ստում է: Վեպ / Ք. Մակմանուս; Թարգմանությունն
անգլերենից՝ Ա. Աթաբեկյանի.- Եր.: Newmag, 2023.- 440 էջ:

Երկուշաբթի կեսօրին Բեյվյու ավագ դպրոցի հինգ աշակերտներ տարբեր պատ-
ճառներով պատժվում են և պատիժը կրելու համար հայտնվում նույն սենյակում:
Բրոնուփինը խմբի ուղեղն է, երբեք ոչ մի օրենք չի խախտում, երազում է ընդունվել
Եյլի համալսարան: Ադին խմբի գեղեցկուհին է՝ արքայադստեր տեսքով ու պահանջ-
ներով: Նեյթին բաժին է հասել հանցագործի պիտակը: Նա արդեն հասցրել է օրենք
խախտել: Կուպերը մեծ պոտենցիալով մարզիկ է, բեյսբոլի ապագա աստղ: Խմբի
հինգերորդ անդամը Սայմոնն է, որն աչքի է ընկել միայն դպրոցական բամբասանքի
հավելված ստեղծելով: Պատժի սենյակ մտնում են հինգը, բայց ողջ են դուրս գալիս
չորսը: Սայմոնն անհայտ պատճառով մահանում է: Քննիչները վստահ են, որ դա
դժբախտ պատահար չէ: Սայմոնը մահանում է երկուշաբթի: Նա պլանավորել էր
իր հավելվածում երեքշաբթի օրը ցնցող բացահայտումներ անել դասընկերների
մասին: Այժմ սպանության մեջ կասկածվում է սենյակից ողջ դուրս եկած ամբողջ
քառյակը: Ողջ մնացած չորս հոգին էլ մոտիվ ունեն: Չորսն էլ թաքցնելու բան ունեն:
Եվ չորսն էլ կասկածելի կապ ունեն Սայմոնի հետ: Նրանցից առնվազն մեկը հաս-
տատ ստում է:

ՀՏԴ 821.111(73)-31 Մակմանուս
ԳՄԴ 84(7ԱՄՆ)-44

Գլխավոր գործընկեր՝
ԶԱՆԳԱԿ ԳՐԱՏՈՒՆ
zangakbookstore.am


ԶԱՆԳԱԿ
ԳՐԱՏՈՒՆ

ISBN 978-9939-884-87-5
Քարեն Մակմանուս «Մեզնից մեկը ստում է» © 2023, «Նյու Մեգ» ՍՊԸ
One of Us is Lying © 2017 by Karen M. McManus

Այս գրքի հայերեն թարգմանության և հրատարակության իրավունքները
պատկանում են «Նյու Մեգ» ՍՊԸ-ին: Իրավունքները ձեռք են բերվել հեղինակի հետ
կնքված պայմանագրով:

Բովանդակություն

Մաս 1 Սայմոնն ասում է	9
Մաս 2 Պահնտոցի	137
Մաս 3 Ճշմարտություն կամ համարձակություն	267
Վերջաբան Երեք ամիս անց	423
Երախտագիտության խոսք	435

Ջեքին, որը միշտ ծիծաղեցում է ինձ

ՄԱՍ 1

Սայմոնն ասում է

ԳԼՈՒԽ 1

Բրոնուին

Երկուշաբթի, սեպտեմբերի 24, 14:55

Ինչ-որ մեկի սեքսի տեսագրությունը: Վախ անցանկալի հղիությունից: Երկու սկանդալային դավաճանություն: Եվ այսքանն ընդամենը մի շաբաթվա նորություններն են: Եթե Բեյվյու ավագ դպրոցի մասին կարծիք կազմեք ըստ Սայմոն Քելեհերի բամբասանքների հավելվածի, կմտածեք՝ տեսնես այս մարդիկ էրբ են հասցնում դասի գնալ:

— Հնացած բան է, Բրոնուին,– լսում եմ թիկունքիցս: — Ա՛յ, սպասիր, վաղվա փոսթը կպայթեցնի դպրոցը:

Գրո՛ղը տանի: Տանել չեմ կարողանում, երբ ինձ բռնեցնում են «Այդ մասին»-ը կարդալիս, հատկապես, եթե դա հեղինակն է անում: Անջատում եմ հեռախոսս ու շրխկոցով փակում պահարանիս դուռը:

— Այս անգամ ում կյանքն ես փչացնելու, Սայմոն՛:

Սայմոնը հասնում է իմ հետևից, ու միասին քայլում ենք դեպի ելքը շտապող աշակերտների հոսանքին հակառակ:

— Հանրօգուտ գործ եմ անում,– արհամարհական ասում է

Նա: — Դու, ի դեպ, պարապում ես Ռեգի Քրոլիի հետ, չէ՞: Գոնե գիտես, որ նրա ննջասենյակում տեսախցիկ կա:

Չեմ էլ ուզում պատասխանել: Դ՛ն էր պակաս. ավելի շուտ Սայմոնի մեջ խիղճ կարթնանա, քան կհետաքրքրվեմ, թե ինչ է կատարվում Ռեգի Քրոլիի ննջասենյակում, որը միշտ թմրադեղի տակ է:

— Ամեն դեպքում իմացիր՝ նրանք տեսախցիկն իրենց կողմն են պահում: Եթե մի օր մարդիկ հանկարծ որոշեն էլ չստել ու չդավաճանել, առանց գործի կմնամ,– Սայմոնն իր սառը, կապույտ աչքերով նկատում է, որ քայլերս արագացնում եմ: — Այդ ո՞ր ես շտապում: Ուզում ես արտադասարանական փառքի մեջ լող տալ, հա՛:

Երանի՛ թե: Ու հենց այդ պահին հակառակի պես հեռախոսս ազդանշան է տալիս.

— Մաթեմատիկայի պարապմունք՝ 15:00, «Իփոք քոֆի»:

Դրան հաջորդում է թիմակցիս հաղորդագրությունը.

— Էվանը տեղում է:

Դե իհարկե: Այս բարետես մաթլետը (աթլետ–մաթլետ. համաձայն եմ, այնքան էլ հարմար օքսիմորոն չէ) միշտ հայտնվում է միայն այն ժամանակ, երբ զբաղված եմ:

— Չէ հա՛,– ասում եմ:

Ընդհանուր կանոն կա, որը հետևողականորեն պահպանում եմ, հատկապես վերջերս. աշխատում եմ հնարավորին չափ քիչ տեղեկություն տալ Սայմոնին: Կանաչ մետաղական դռները հրելով՝ դուրս ենք գալիս հետևի սանդղահարթակ, որը բաժանարար գիծ է Բեյվյուի դպրոցի հին հետնախորշի ու պայծառ, ընդարձակ, նոր թևի միջև: Ամեն տարի նորանոր հարուստ ընտանիքներ են հայտնվում, որոնք հեռանում

են Սան Դիեգոյից և տեղափոխվում 24 կմ արևելք՝ Բեյվյու: Նրանք հույս ունեն, որ այստեղ իրենց հարկային դուլարներով ավելի լավ միջավայր կապահովեն երեխաների համար, քան պոպկորնի հետքերով առաստաղի տակ, պատառոտված լինող երեխաների վրա ծավալվող դպրոցական կյանքը:

Հասնում են երրորդ հարկ՝ պարոն էյվերիի սենյակ, ու այդ ամբողջ ընթացքում Սայմոնը կրնկակոխ հետևում է ինձ: Շրջվում են՝ թևերս կրծքիս խաչելով.

— Լսիր, դու ինչ-որ տեղ էիր գնում, չէ՞:

— Գնում էի: Դասերից հետո պիտի մնամ, պատժված եմ, – ասում է Սայմոնն ու սպասում, որ կշարունակեմ քայլել: Ու երբ գնալու փոխարեն ձեռքս տանում եմ դռան բռնակին, ծիծաղից պայթում է: — Հավատս չի գալիս: Ուրեմն դո՛ւ էլ: Քո մեղքը որն է:

— Գլխիս սարքել են, – փնթփնթում եմ ես ու լայն բացում դուռը: Ներսում արդեն երեքը կան, ու մի պահ կանգ եմ առնում, որ հասկանամ, թե ովքեր են: Չէ, հաստատ նրանց չէի սպասում տեսնել: Բացի մեկից:

Նեյթ Մաքոլին աթոռը հետ է տանում ու քնծիծաղ տալիս:

— Մխալ տեղ ես ընկել: Այստեղ դասից հետո մնացածներն են հավաքվում, ոչ թե դպրոցի խորհուրդը:

Ով՞ ով, բայց նա լավ գիտի: Հինգերորդ դասարանից Նեյթն անընդհատ խնդիրների մեջ է ընկնում. մոտավորապես հենց այդ ժամանակ ենք վերջին անգամ զրուցել: Լուրեր են պտտվում, որ նա Բեյվյուի ոստիկանության ուշադրության կենտրոնում է և պայմանական ազատագրկման մեջ է, չգիտեմ էլ՝ ինչի համար: Պատճառն ինչ ասես կարող է լինել՝ ոչ սթափ վիճակում մեքենա վարելուց մինչև թմրադեղերի

վաճառք: Բոլորին էլ հայտնի է, որ նրանից կարելի է դեղ գնել, բայց իմ տեղեկությունները զուտ տեսական են:

— Կիսնդրեմ առանց մեկնաբանությունների, – պարոն էյվերին ինչ–որ բան է նշում մատյանում ու Սայմոնի հետևից փակում դուռը:

Բարձր, կամարաձև պատուհաններից արևի եռանկյունաձև շողերն ընկնում են հատակին, իսկ կայանատեղիի հետևից՝ դաշտից, ֆուտբոլի պարապմունքի թույլ ձայներն են լսվում:

Տեղավորվում եմ Կուպեր Քլեյի կողքին, որը ճանաչած թղթից բեյսբոլի գնդակ է սարքում ու շշնջում.

— Ուշադիր, Ադի՛, – ու գնդակը նետում է դիմացը նստած աղջկան:

Ադի Փրենթիսն աչքով է անում, անորոշ ժպտում, ու գնդակն ընկնում է հատակին:

Դասասենյակի ժամացույցի սլաքները դանդաղ թեքվում են դեպի երեքը, ու ես անզոր հետևում եմ դրանց. ինչպիսի անարդարություն: Ախր այստեղ չպիտի լինեի: Հիմա արդեն պիտի «Իփոք քոֆիում» լինեի, վախվորած սիրախաղ անեի էվան Նեյմանի հետ ու միաժամանակ դիֆերենցիալ հավասարումներ լուծեի:

Պարոն էյվերին այն մարդկանցից է, որոնք դասերից հետո թողնում են աշակերտներին՝ առանց հարցեր տալու, բայց գուցե դեռ հասցնեմ նրան համոզել: Հազում եմ, մաքրում կոկորդա ու բարձրացնում ձեռքս, հետո հանկարծ նկատում եմ, թե Նեյթն ինչպես է քմծիծաղ տալիս:

— Պարոն էյվերի, Ձեր գտածն իմ հեռախոսը չէ: Չգիտեմ, թե ինչպես է հայտնվել պայուսակումս: Իմը սա՛ է, – ասում եմ՝ թափահարելով ձմերուկի պես զոլավոր պատյանով iPhone-ու:

Անկեղծ ասած, պետք է լրիվ անխելք լինես, որ պարոն էյվերիի դասին հեռախոս բերես: Նա ցանկացած հեռախոսի երդվյալ թշնամի է և ամեն դասի առաջին տասը րոպեն նվիրում է ուսապարկերը թափ տալուն, ասես ինքն օդանավակայանի անվտանգության բաժնի պետ է, մենք էլ կասկածյալների ցուցակում ենք: Իմ հեռախոսը պահարանում էր՝ սովորականի պես:

— Քոնն էլ, — Ադին այնքան կտրուկ է շրջվում իմ կողմ, որ շեկ մազերը, որոնք, ասես, շամպունի կենդանի գովազդ լինեն, փաթաթվում են ուսերին: Նրան երևի վիրահատական ճանապարհով են անջատել ընկերոջից, թե չէ այստեղ մենակ չէր լինի: — Իմ պայուսակում էլ իմ հեռախոսը չէ:

— Նույնն էլ, իմը, — մեջ է ընկնում Կուպերն իր հարավային առոգանությամբ:

Նա ու Ադին զարմացած հայացքներ են փոխանակում. իրենք էլ չէին սպասում, որ մեզ հետ նույն տեղում կհայտնվեն: Երևի սուպերհայտնի մարդիկ ավելի հետաքրքիր թեմաներ ունեն, քան անարդար պատժի մասին քննարկումները:

— Ինչ-որ մեկը մեր գլխին սարքել է, — Սայմոնն առաջ է գալիս, արմունկներով հենվում սեղանին, ասես ներսում զսպանակ ունի, որն ուր որ է մի նոր թարմ բամբասանք օդ կթռցնի: Նայում է մեզ՝ չորսիս, որ իրար գլխի ենք հավաքվել դատարկ դասասենյակի մեջտեղում, հետո հայացքը կանգ է առնում Նեյթի վրա: — Ախր ինչ-որ մեկի ինչի՞ն էր պետք դասերից հետո դպրոցում պահել մի խումբ աշակերտների, որոնք անբիծ ու մաքուր կենսագրություն ունեն: Ինձ թվում է ... անի, չգիտեմ... ինձ թվում է՝ մեզնից մեկը որոշել է օյին խաղալ:

Նայում եմ Նեյթին, բայց հավատս չի գալիս: Ախր այսպիսի պատմություն հորինելն էլ է աշխատանք, իսկ Նեյթն իր